


05.03.2014.

Neophodan socijalni dijalog oko svih spornih pitanja



Premijer Bosansko-podrinjskog kantona Gorađe Emir Frađto sastao se danas sa predstavnicima Ekonomsko-socijalnog viješa BPK Gorađe i kantonalnog Sindikata. Sastanak je organizovan na inicijativu premijera, a svrha sastanka bio je dogovor o mjerama koje je potrebno poduzeti kako bi se u narednom periodu uspostavio bolji dijalog između socijalnih partnera.

- Cilj nam je da radnici preko sindikata, poslodavci preko Udruženja poslodavaca i predstavnici vlasti učine napore da se sve one tenzije koje su se zadnjih dana pojavile, spuštaju koliko je moguće i preko socijalnog dijaloga da se nađu zajednički imenitelji kako bismo uspostavili bolju saradnju. Vlada je već donijela neke odluke po pitanju plata, bijelog hljeba i drugog. Mnogo je problema koji se nameću svakodnevno, ali žini mi se da ćemo zajednički radom, gdje god je to moguće, uspostaviti neki dijalog koji bi doveo do boljeg rješenja na svim onim frontovima gdje se dešavaju određena odstupanja. Istakao je Ibro Mađala, predsjednik Ekonomsko-socijalnog viješa BPK Gorađe.

Rješavanje nekih od problema zahtijeva i aktivno učestvovanje sindikata, istaknuto je danas.

Ovi razgovori treba da prođu i kroz sindikat. Sindikat ima neki stav i potrebu da se organizuje u firmama u kojima ne postoji. Da se podrži osnivanje sindikalnih organizacija, da one istupe sa svojim zahtjevima i tek tada ćemo moći reći na kojem mjestu se nalazimo i koliko je to organizovano na žitavom kantonu. To bi trebalo biti od koristi vezano za zahtjeve koje su uputili protestanti. Važno je da imamo sluha i da rješavamo probleme koji stvarno postoje. kazao je premijer BPK-a Gorađe Emir Frađto.

Jedna od tema današnjeg razgovora odnosila se i na izjednačavanje plaća u društvenom i privatnom sektoru. Istaknuto je da razlika u plaćama između ova dva sektora na području BPK Gorađe nije tako velika, te da je u drugim dijelovima Federacije već, ali da treba nastaviti razgovor o ovoj temi, kao i o drugim pitanjima koji su istaknuti kroz zahtjeve građana i privrednika.

Izvor:www.bpkg.gov.ba